



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



23746 f . 23





9930

LA DESCRIPTION

ORDRE DU CAMP & FESTIEMENT
DES LOUSTRES

ROYS DE FRANCE & D'ANGLETERRE

PAR M. L'ABBÉ DE VERGÉ



PARIS

CHEZ AGIL LUBRY, LIBRAIRE

101, RUE DE LA HARPE

1700

bb-20

2374b f. 23



~~gasamb. 20,~~
Dup

LA DESCRIPTION
ET
ORDRE DU CAMP & FESTIEMT
& IQUSTES
DES TRESCRESTIENS ET TRESPUISSAN
ROYS DE FRANCE & DANGLETERRE

IMPRIMÉ A 75 EXEMPLAIRES

dont 10 sur papier de couleur.



H. Francis I., King of France

LA DESCRIPTION
ET
ORDRE DU CAMP & FESTIEMT
& IOUSTES

DES TRESCHRESTIENS ET TRESPUISSANS

ROYS DE FRANCE & DANGLETERRE

LÃ MIL. CCCCC. ET VINGT

AU MOYS DE IUNG.



A PARIS
CHEZ AUG. AUBRY, LIBRAIRE

RUE DAUPHINE, N° 16

M.DCCC.LXIV





AVANT-PROPOS.

I.

L'ENTREVUE de François I^{er} et de Henri VIII, au mois de juin 1520, est un des événements les plus remarquables que présente l'histoire de la première moitié du XVI^e siècle; les relations qui en sont parvenues jusqu'à nous laissent fort à désirer.

Ayant rencontré dans la riche bibliothèque formée par Sir Thomas Grenville, et léguée au Musée Britannique (1), un opuscule écrit par un

(1) Sir Thomas Grenville, homme d'État fort distingué, est mort le 31 décembre 1852, dans un âge très-avancé; il avait réuni une bibliothèque peu nombreuse pour un opulent amateur anglais (20,000 volumes environ), mais d'un choix exquis. Le catalogue, imprimé en 1848-54, forme deux volumes. Renvoyons à son égard au *Manuel du Libraire*, article *Payne*.

témoin oculaire, au moment même où se passaient les choses, nous avons pensé qu'il n'était pas inutile de le réimprimer, d'autant plus que c'est peut-être le seul exemplaire qui ait échappé à la destruction, sort ordinaire de ces minces écrits (1).

Nous avons inutilement cherché celui-ci dans les plus grands dépôts de Paris : à la Bibliothèque impériale, nous n'avons trouvé qu'un opuscule latin et une brochure compilée en 1849 ; ailleurs, rien. La Bibliothèque historique de la France, par le père Lelong et ses continuateurs, est muette, et plusieurs bibliophiles fort instruits ignoraient l'existence de cette Lettre, qu'on ne rencontrerait, nous le croyons, sur aucun catalogue, et qui n'est point, ce nous semble, mentionnée dans la cinquième édition de l'excellent Manuel du Libraire, de M. J.-Ch. Brunet.

En lisant le récit du contemporain, on verra que c'est avec raison que le nom de Camp du drapeau d'or est resté attaché à cette rencontre des

(1) Avant d'entrer dans la collection Grenville, cette plaquette avait figuré dans la masse énorme de livres rares et curieux qu'avait réunis le plus zélé de tous les bibliophiles jusqu'ici connus, Richard Heber. Elle figure au catalogue de sa vente, partie VI, n° 594.

(III)

deux rois ; les étoffes de ce genre y furent prodiguées. Nous pourrions aussi noter, comme signe de l'époque, la multiplicité des défenses faites sur peine de la hart ; mais une narration aussi succincte n'a pas besoin de commentaires.

II.

Parmi les historiens du XVI^e siècle, les Mémoires de du Bellay et ceux de Fleuranges (1) sont la principale source à laquelle on peut puiser pour l'objet qui nous occupe, et elle est loin d'être abondante. Les écrivains modernes sont tout à fait insuffisants. Ne parlons ni de Daniel, ni de Velly. Gaillard, dans son Histoire de François I^{er} (tome II, p. 83), dit à peine

(1) Voir l'*Histoire mémorable des choses advenues de 1499 à 1521*, par Robert de La Marck, seigneur de Fleuranges, qui fut maréchal de France et l'un des plus braves et des plus habiles guerriers de son temps. Ils ont été publiés par l'abbé Lambert, avec des notes (Paris, 1753, in-12). On les retrouve dans divers recueils de *Mémoires sur l'histoire de France*, notamment dans le tome XVI de la collection Petitot (1817-27, 53 vol. in-8°) et dans le tome XXII de la collection Michaud et Poujoulat (1835-39, 32 vol. grand in-8°).

L'auteur, qui se désigne sous le nom de *Jeune aventureux*, avait environ trente ans à l'époque où eut lieu le *Camp du drap d'or*.

quelques mots. M. Henri Martin (Histoire de France, 1846, t. IX, p. 178), est fort laconique. Il en est de même de M. de Sismondi. M. Michélet (Histoire de France, 1855, t. VIII, p. 135), entre dans quelques détails sur lesquels il verse les couleurs de son style chaleureux. Wolsey eut l'idée de cette grande fête chevaleresque, de cette revue des deux nations, où Henri VIII apparaîtrait plus brillant qu'Henri V au Louvre... Les Français sentirent judicieusement que l'orgueil national était en jeu, qu'il fallait à tout prix que la France ne pâlit pas devant l'orgueilleuse Angleterre. Ce fut un duel de dépense (1).... Le 9 juin, on ouvrit le tournoi où François 1^{er} montra sa grâce autant que sa force. Henri, fort et sanguin, s'y anima tellement, qu'oubliant que c'était un jeu, il assomma le pauvre diable qui lui était opposé, et lui asséna sur la tête un coup si violent, qu'il ne remua plus.

Les historiens anglais, Hume, Henry, etc., ne donnent que fort peu de détails, et ce qu'il y a encore de plus étendu, à notre connaissance du

(1) « Plusieurs portèrent leurs forêts et leurs prés sur leurs épaules. » Ainsi s'exprime Martin du Bellay (*Mémoires*, livre I^{er}).

moins, c'est le récit contenu dans le Cérémonial françois de Godefroy (in-folio, t. II, p. 736 et suivantes).

III.

Nous terminerons en donnant une indication rapide des représentations figurées de l'entrevue des deux rois.

On a écrit qu'il n'existait en Angleterre qu'un seul ancien tableau représentant le Camp du drap d'or; c'était celui du château de Coudray, détruit par un incendie vers 1830. Cependant, on peut citer un autre tableau du temps, conservé au château de Windsor; il offre un très-grand nombre de figures. Il a été gravé par James Barère, aux frais de la Société des Antiquaires. Une dissertation à cet égard se trouve dans l'Archæologia (Londres, 1778 et années suivantes, in-4°, t. III, p. 185).

En France, nous trouvons un grand et très-curieux bas-relief en marbre de l'hôtel de Bourgtheroulde, à Rouen; il est gravé dans les Monuments de l'histoire de France par Montfaucon (1729-33, 5 vol. in-folio), où il occupe trois planches in-folio

en largeur (t. IV, pl. 29, 30, 31). Il occupe aussi cinq planches lithographiées par Fragonard dans les Voyages pittoresques et romantiques dans l'ancienne France, par le baron Taylor et Ch. Nodier (Normandie, pl. 159 à 163).

Signalons aussi une petite gravure dans Dibdin, A bibliophical Tour in France (Londres, 1821, 3 vol. grand in-8°), t. I, p. 101 (1); une lithographie dans les Monuments les plus remarquables de la ville de Rouen, par M. de Jolimont (Paris, 1822, in-folio); une gravure dans l'Histoire de l'Art, par Seroux d'Agincourt (1823, 6 vol. in-folio), Sculpture, pl. XXXVIII, n. 11, t. II, p. 74; une autre dans les Anglo-Norman Antiquities de Ducarel, pl. 33; une autre dans le Recueil des Séances de la Société d'émulation de Rouen (1827, p. 51); deux planches sur bois dans le Moyen-Age et la Renaissance, par MM. Paul Lacroix et Séré, t. III (Cérémonial, pl. 11 et 12); cinq planches dans l'ouvrage de M. de la Querrière, Description historique des

(1) Cette gravure n'est pas reproduite dans la traduction française du *Tour*, due à MM. Licquet et Crapelet (1825, 4 vol. in-8°). Dibdin observe que les gravures insérées dans l'ouvrage de Montfaucon sont fort imparfaites.

maisons de Rouen (1824-44, 2 vol. in-8°), t. II, p. 217 (1); deux lithographies in-folio dans les *Arts au moyen-âge*, par M. du Sommerard, (Album, 2^e série, pl. 9 et 10).

Le catalogue de la riche bibliothèque de M. Harrott, vendue en 1833 (1^{re} partie, n° 2419), indique un récit manuscrit d'après les chroniques contemporaines, volume in-folio orné de dessins, d'aquarelles, de gouaches, par d'habiles artistes du XIX^e siècle. C'est un trésor d'art, mais il ne saurait offrir l'intérêt avec lequel les curieux interrogent les monuments contemporains des faits. Voici l'indication des principales compositions qui ornent ce manuscrit digne de figurer dans la bibliothèque d'un roi ou dans celle d'un directeur de quelque grande compagnie industrielle :

Stephanoff. *La Rencontre des deux rois.*

Le Couronnement du vainqueur au tournoi.

Le Bal masqué donné par la reine de France.

Willement. *Portrait d'Henri VIII, d'après le tableau d'Holbein.*

(1) M. de la Querrière a publié, en 1828, une *Notice sur les portraits de François I^{er} et de Henri VIII* existant à l'hôtel de Bourgtheroulde (10 pages in-8° et deux portraits).

(VIII)

Harlour. Portrait de François I^{er} d'après un dessin du temps.

Bone. Embarquement d'Henri VIII à Douvres.

La Fontaine de vin élevée à la porte du palais érigé à Guisnes pour recevoir Henri VIII.

Présentation de l'ambassadeur de France à Henri et à la reine.

Présentation du cardinal Wolsey, ambassadeur d'Henri VIII, à François I^{er}.

Henri, accompagné de Wolsey et de sa cour, se rend à cheval à la rencontre de François.

La Conférence dans la tente.

Le Banquet.

La Lutte d'Henri et de François en champ clos.

La Visite de François à Henri, à Guisnes.

La Rencontre des deux reines.

La Grand'messe célébrée par le cardinal Wolsey en présence des deux cours.

Cooper. Deux Chevaliers combattant.

Ce splendide volume fut adjugé 173 livres sterling.





LA DESCRIPTION
ET
ORDRE DU CAMP & FESTIEMT
& IOUSTES
DES TRESCRESTIENS ET TRESPUISSÂS
ROYS DE FRANCE & DANGLETERRE

POUR aulcunemēt santisfaire a ce dōt
me dōnastes charge a mō partement
de vo' faire scavoir des nouvelles. Iay
prins peine & sollicitude de rediger ꝑ escript le
plus pres de la verite q̃ iay peu ce q̃ iay sceu
veoir & scavoir par aultre de ce q̃ a este fait &
lordre & maniere qui ont este gardez a la veue
parlement & festins q̃ ont este faitz ces jours
passez par le trescrestiē Roy de France nostre

souverain seigneur & le puissant Roy Dangle-
terre/ & les Roynes leurs cōpaignes. Et aultres
princes/ seigneurs dames & damoyselles. En las-
semblee ꝑ eulx dernieremēt faicte sur les li-
mites du royaume de Frāce & pays de Guynes
entre Ardre & Guynes. La ou ilz ont veu lūg
laultre & parlemēte ensemble & fait de grās
bācquez & festins/ dont chascun se doit resiouyr/
car cest esperāce de bonne paix & aliance pour
ladvenir. Non pas que ie vueil assurer avoir este
present ꝑ tout mais en partie ie y ay este &
partie lay sceu par aultres.

Premieremēt par les pourparles qui avoient
este faitz par les ambassadeurs tant dūg coste ꝑ
daultre : Lesditz Roys & princes se devoiēt as-
sembler pour parlementer ensemble & acomplir
leurs bons desirs/ entre lesditz lieux de Ardre
& Guynes. Et pour ce faire avoiēt de pieca dis-
pose & pourveu a leur affaire tāt de vivres
munitiōs/ tentes/ pavilōs & aultres choses neces-
saires. Et pour eviter la cōfusion ꝑ y eust peu
estre silz y fussent alles en grāt nombre de gēs
avoiēt ordōne & esleu chascun de son coste cer-
tain nōbre de gēs quilz devoiēt mener avec eulx
& nō plus. Et dont ie vous envoye le nōbre de

ceulx de la bāde du Roy Dangleterre ainsi que ie lay recouvert par escript daulcun dētre eulx. Lequel mōte a plus de troys mille hōmes & chevaux sans le train de la Royne Dāgleterre la duchesse de Suffort & aultres duchesses dames & damoyelles q̄ sont en grāt nōbre. Et le Roy de France nostre souverain seign̄r : de son coste avoit aussi mys ordre & esleu & nōmez ceulx quil entēdroit mener audit cāp qui estoient en grant nōbre. Et au surplus luy estant a Mōtereul & aultres lieux auroit fait crier a son de trōpe & cry public q̄l ny eust si ose ne hardy sur peine de la hart de suyvre son train ne aproucher a deux lieues fors les enrotelez/ & pour y prēdre garde auroit establis certains capitaines. Et aussi auroit fait crier que nul si hardy de prēdre question ou noise aux Angloys ne les iniurier en maniere quelcōque/ mais leur mōstrer toute doulceur & signes damitie sur peine de la hart. Et aussi que tous vivandiers amenassent vivres apres luy frāchemēt & quittement sans aulcun peage ou impositiō. Et pareillz crys furēt faitz a Calais & Guynes en lost dudit Roy Dangleterre.

Au moyen desquelz crys & de la pugnition qui

estoit faicte des transgresseurs il sen retourna de lost plus de dix mille personnes qui y alloiēt sans mander & qui ny avoiēt que faire.

Pareillement les marchans amenerent vivres de toutes pars par quoy nont este si chers que lon estimoit.

Et ce fait le Roy nostredit seigneur se tire a Ardre qui est une petite ville destruite dāciēnete. Laquelle il avoit a toute diligence fait reparer tant les fossez que le chateau.

Et aussi led' Roy Dangleterre avecques la Royne sa cōpaigne & leur train seroiēt venus audit lieu de Guynes qui est une petite ville assez anciēne/ dont le chateau qui a este repare de neuf est bien fort & bien acoustre. Et lesditz Roys estās ainsi pres lung de laultre cōme a deux lieues firent scavoir lung a laultre par seigñrs & ambassadeurs bien acoustrez leur venue. Et mesmemēt le Roy Dāgleterre luy arryve a Guynes envoya vers le Roy nostredit seigneur une belle & noble ambassade. Cest assavoir monseigñr le cardinal Dyorc legat en Angleterre/ acōpaigne de plusieurs grās evesques princes gentilz hōmes & autres compaignies & en si bon ordre quil est possible de faire : en la maniere qui sensuyt.

Premieremēt au devāt dudit legat marchoient cinquante gentilz hommes de sa maison tous nudz testes le bonnet au poing : bien mōtez sur bōs chevaux & hacquenees. Eulx vestuz de velours cramoyssi : chascun une grosse chayne dor de grant valeur qu'ilz portoient en escharpe. Et leurs chevaux & hacquenees richement houssez acoustrez & pour le moins de velours cramoyssi.

Après cesditz cinquante gentilz hōmes marchoiēt au devāt dudit legat ses huissiers nudz testes portās de masses dor aussi grosses par ung bout comme la teste dung hōme.

Après eulx marchoit bien hōnorablemēt celluy q̃ portoit la croix double dudit legat : laq̃lle estoit de fin or garnie dung beau crucifix & de belles pierres precieuses. Et estoit vestu celluy q̃ portoit lad' croix de lōgue robe de velours cramoyssi. Et sur les espauls ung beau chapperon a courte cornette fait de velours cramoyssi borde par bas de fine broderie & de orfaverie moult riche & beau & estoit aussi nud teste.

Après marchoient iiij. laquetz tenās leurs bonnets a la main garnys de grans plumailz : pourpointz de drap dor richement acoustrez.

Après lesd' laquetz marchoiēt deux staphiez

ou gardes dud' legat estans au droit de la teste de la mulle de chascun coste & estoïët deux ieunes hōmes moult beaulx & grās nudz testes & vestuz de paletoz de velours portās devāt & derriere la devise dud' legat en brodeure sur leurs-ditz paletoz. Et tenoient en leur main chascun ung baton d'or cōme ung bec de faulcon assez lung.

Après marchoit mōd' seign̄r le legat vestu dune robe de velours sur velours cramoyssi figure le rochet de fine toille par dessus. Et en sa teste ung beau chappeau rouge a grās houppes treynās monte sur une belle mulle & bien falleree : ayāt les chanffreins : bossetes boucles & estriefz tout de fin or & la housse de velours cramoyssi.

Après luy marchoient cinq ou six evesques Dangleterre richement acoustrez & avec eulx le grāt prieur de Hierusalē. Et grant nombre de prothonotaires vestuz de velours cramoyssi & velours noir & enchaynez de grosses chaynes que ie ne scauroye estimer.

Après eulx marchoiët cent archiers de la garde du Roy Dāgleterre tous bien mōtez & acoustrez leurs arcs bandez & la trousse au coste : vestuz de hocquetōs partie de satin blāc & vert : & la

rose dorfaverie devant & derriere bien riches.

Le Roy nostred' seigneur adverty de la venue de mondit seigñr le legat envoya au devant de luy monseigneur de la Trimaille monseigneur le mareschal de Chastillon avec grāt nombre de grans seigneurs & gentilz hōmes avec cinquante archiers de la garde frācoyse. Le tout les mieulx acoustrez & en ordre que lon pourroit dire lesquelz rencontrerent le legat environ deux getz darc dud' Ardre. Et se saluerent & firent grant hōneur les ungs aulx aultres. Et ce fait marcherent apres led' legat au devāt desd' evesques. Et ainsi le conduysirent iusques au logis du Roy nostredit seigneur. Et debvez scavoir que les princes grans seigneurs gentilzhommes les archiers & suysses du Roy estoiēt tous en bel ordre des-deux costez de la rue attēdant mondit seigneur le legat. Pareillemēt y estoient les trompettes : clarons : sacquebutes & tous aultres ioueurs dinstrumens sonnans le plus melodieusement quil est possible. Et environs les deux heures apres disner dudit iour arriva mondit seigneur le legat vers le Roy nostredit seigneur. Et en arrivant lartillerie du Roy dont y en avoit grande quantite sonna & fist si grand bruyt &

tumulte que lūg ne pouvoit ouyr laultre. Mondit seigneur le legat arrive a cinq ou six pas du logis du Roy. Il descēdit de sa mulle & se mist a pied & il chemina ainsi iusques aupres du Roy nostredit sire qui l'attendoit a l'entree de son logis/ auquel il fist grant honneur & reverence en soy inclinant ung genoil iusques a terre. Et aussi le Roy en ostāt son bōnet fist reverence audit legat le print par la main laccola & baisa en luy monstrant signe damytie. Et ce fait le mena en son logis la ou ilz parlerēt par long tēps ensemble avec les aultres princes seigneurs & monsieur le chācellier tous acoustrez & vestus magnificqment & pour le moīs de drap dor. Et cependant que le Roy nostredit seigñr mōdit seigneur le legat les princes & grans seigneurs parlementoient ensemble les maistres dhostel & aultres officiers de la maison du Roy ensuyvant son bon plaisir qui de ce les avoit chargez entretindrēt festierēt & firent la pl' grāt chiere quil leur fut possible a la compaignie dudit legat en leur administrāt boire/ manger & aultres gracieusetez en les menāt les ungs es maisons les autres es têtes & pavillons en les traictant si humainemēt q̃ lō ne pourroit plus.

Ledit parlemēt fait ledit monseigneur le legat sen retourna a Guynes & fut cōduyt par la cōpaignie dessusdicte.

Le lendemain messeigneurs de Sens monseigneur ladmiral monseigneur de La Trimouille & aultres grās seigñrs & gentilz hommes en grāt nombre dont ie ne scay les nōs tous vestuz de drap dor & bien acoustrez / acompaignez des archiers de mōseigneur ladmiral & aultres tous biē montez & acoustrez de leurs hocquetons dorfaverie biē riches allerent en la ville de Guynes / & les conduysoit le seigneur milort de Bitis de Calais. Au devant desquelz vint ladmiral Dangleterre le grant maistre nomme Tallebot & grant nōbre de gentilz hommes & archiers bien acoustrez. Lesquelz le conduysirēt iusques au chateau de Guynes la ou estoit le Roy Dāgleterre. Et en arrivant lartillerie du dit Roy Dangleterre sonna si impetueusemens que merveilles. Et pareillement tous les ioueurs dinstrumens firent leur devoir.

Lesditz seigneurs de France arrivez a Guynes furent conduitz vers ledit Roy Dangleterre qui les receut benignement / & a grant honneur & reverence. Et parlerent ensemble.

Vous devez scavoir que cependant les seigneurs Dāgleterre festierent & traicterēt les seigneurs de France en banquetz & festins que cestoit merveilles tant que depuys les plus grans iusques aux plus petits. Ilz les faisoient entrer en leurs têtes & pavillons & iusques a deschirer leurs robbes quant ilz ny vouloient entrer pour les festier/ & firent bonne chiere.

Après ledit parlement fait lesditz seigneurs de France sen retournerent & furent conduytz a grant compaignie & honneur. Et eulx retornez vers le Roy & leur respōce faicte lon voit le Roy estre fort ioyeux. Et croy que les avoit este conclud le iour que les deux Roys se verroient & parleroient ensemble qui fut le lendemain.

Le ieudy iour de la Feste-Dieu le Roy nostre dit seigneur se mist en ordre avec tous ces princes gentilz hommes & seigneurs a lheure quilz avoient entrepris ledit parlement & a leur parlement tant dung coste que daultre toute lartillerie sonna affin que lesditz Roys sceussent le partement lung de laultre.

Et premieremēt commença a marcher monsieur le prevost de lhostel avec ses archiers & la trompette/ lequel arrive au camp fist crier de

par le Roy que chascun vuydast hors du camp sur peine de la hart.

Après marchoiēt messeigñrs Gabriel de la Chartre : mōseigñr de Pôt Dormy & plusieurs autres capitaines gētilz hōes & les archiers tous lesd' seigneurs bien acoustrez de drap dor : une chayne dor au col en escharpe : & les ditz archiers de leurs hocquetons dorfaverie & leurs chevaulx bardez de mesmes.

Après marchoient messeigneurs les marechals de France tous vestuz de drap dor leurs chevaulx bien acoustrez de mesmes acoustremens & bien gorgias.

Après venoit monseigñr le grāt maistre aussi vestu de drap dor avec les maistres d'hostel & officiers du Roy vestuz de drap dor & de satin broche dor fort triumphans.

Après marchoit monseigñr le grāt seneschal mōseigneur de Saint-Vallier qui conduisoit les deux cens gentilz hōmes. Les ungz vestuz de drap dor : les aultres de velours cramoyssi. Et les aultres de aultres couleurs de velours tous bien montez & acoustrez.

Après marchoient messeigñrs les princes de Taliemōt Laroche-sur-Yon : & les aultres vestuz

de drap dor. Lesquelz cōduysoient les pensionnaires du Roy tous bien acoustrez & en bel ordre.

Après marchoient les Suysses a pied leurs capitaines a cheval le tout bien en ordre car ilz estoient tous habillez de neuf & de livree grans plumailz bien riches : & avoient force tabours & flustes.

Après eulx marchoient les ioueurs dinstrumens comme trompettes haults boys clerons sacquebutes & aultres instrumens.

Après marchoient les gentilz hōmes & les chambellans du Roy tous vestuz de drap dor & de argent eschiquetez & escarlataz.

Après marchoit monseigneur le conestable vestu de drap dor frise garny de pierrerie sō cheval barde de mesmes portant lespee nue devant le Roy.

Après marchoyt le Roy nostre sire mōte sur ung bon cheval tout couvert dorfaverie bien acoustre/ acompaigne des ducs & princes du sang & de son grāt cōseil & portoit ung saye de drap dor frise & p̄ dessus ung manteau de drap dor trait en escharpe. Lesdictz saye & mātēau garnys & semez de plusieurs riches pierres precieuses de grāde estimatiō. Et avoit ung bōnet noir garny

de grās plumailz biē riches auquel avoit une escharboucle/ & pareillemēt portoit le collier de lordre Saint-Michel le plus beau & le plus riche que lon vit pieca / & aussi le portoient tous les chevaliers de lordre. Et estoit si bien acoustre que lon ne pourroit estimer.

Après led' seigñr marchoiēt plusieurs gentilz hommes capitaines & archiers de la garde & aultres en grāt nombre to' bien acoustrez. Et ainsi acōpaigne arriva le Roy nostre sire au lieu du cāp assigne ou devoit estre ledit parlement/ qui est es limites de France et Dāgleterre entre deux petit hurs ou montaignes entre lesquelz estoit la tente & pavillon auquel ilz devoient parlementer laquelle estoit bien riche & convertie de drap dor.

Le Roy Dāgleterre pareillemēt estoit aussi party dud' lieu de Guynes pour venir au dit cāp/ leq̃l ensemble les prīces gentilz hōmes capitaines archiers de sa garde. Et monseigñr larchevesq̃ Dyorc legat dessusd' & aultres lesquelz estoient fort richemēt acoustrez & si bien mōtez q̃ ie ne le pourroye exprimer. Et tellemēt approucherent lesd' Roys & leur cōpaignie quilz furent pres lūg de laultre cōme a deux gets de boulle

& quilz pouvoiēt veoir lūg laultre. Et lors firent arrester tout leur train/ en faisant silence de tō coustez. Et subdainemēt cōmencerēt a somner trōpettes clerōs & aultres instrumēs q̄ iamais lon ne ouyt telle ioye. Et quant tout fut cesse les Roys picquerēt chevaulx de grāt roydeur & les bōnets au poing se vindrēt saluer & accoler par deux ou' trois foyz tout a cheval. Et hastivemēt descenderēt & sentrecollerent de rechief & se monstrerēt grāt signe damour/ se prindrent par les bras faisans gros hōneur lung a laultre a qui entreroit le premier aud' pavillon/ leq̄l estoit bien riche & couvert de drap dor cōme dit est. Auquel ilz entrerent eusemble. Et estoit vestu le Roy Dāgleterre dung biau drap dargēt garny de pierres precieuses/ & nētra aud' pavillon q̄ lesd' deux Roys messeigñrs le legat Dāgleterre & l'admiral de France qui ont conduit tout cest affaire. Messeigneurs les cōnestables de France & Dāgleterre demourēt a lētree du pavillō ayāt chascū leurs espees nues ainsi quilz les avoiēt portees devāt lesd' Roys. Messeigñrs les grās escuyers de Frāce & admiral Dāgleterre estoient ung peu plus arriere. Lesquelz apres q̄ lesd' Roys eurēt devise firēt seigne aux princes gētilz hōmes &

capitaines & aultres de Frāce & Dāgleterre quilz
 rapprochassent pour saluer lesd' Roys ce quilz
 firēt. Et fist le Roy nostre sire ung tres gros re-
 cueil au duc de Suffort & aultres princes & sei-
 gneurs Dangleterre en les embrassant & mōstrāt
 signes damitie & aliāce. Aussi le Roy Dāgleterre
 receut benignemēt les princes & seigñrs de Frāce/
 & sembloit bien quilz estoient tres ioyeux de
 eulx estre trouves ensemble & d'avoir aliāce dōt
 tous ceulx de pardeca ont este ioyeux. Et croy
 q̃ tout se portera bien q̃ a layde de Dieu laliāce
 sera permanēt p̃ffit de la xp̃iente. Et sen doyt
 chascun resiouyr. Je vous advertis q̃ les ij. ostz
 estoiēt biē garnys de baraulx & bō vin & q̃ entre
 lesd' p̃lemēs les Frācoys & Anglois beurēt ensem-
 ble de bōne sorte en soy festoyāt & esiouyssāt
 de laliāce desd' Roys & paix. Disoiēt ces parolles
 bōs amys Frācoys & Angloys en les repetāt plu-
 sieurs foyes en beuvāt lūg a laultre de bō couraige.

Après leur parlemēt ie entēs quilz cōclurēt q̃
 le dymenche ensuyvāt le Roy de France yroit vi-
 siter & faire son festin a Guynes avec la Royne
 Dāgleterre : & aussi que le Roy Dāgleterre yroit
 a Ardre visiter la Royne de Frāce laquelle il ap-
 pelloit sa seur & Madame sa mere. Et ce fait se

departirent & sen retournerēt chascun en son camp en bel ordre.

Le vėdredy & samedy y eust plusieurs princes & grās seigneurs tant dung coste que daultre acoustrez hōnestement qui allerent veoir & visiter le camp les ungs des aultres & sentrefaisoient si grāt chiere quil sembloit que Francoys & Angloys fussent tous freres.

Le dymėche x. iour de iuing le Roy nostred' seigneur en bel ordre & bien acōpaigne cōme dessus partit Dardre & sen alla disner a Guynes & passa par ung chemin. Et le Roy Dāgleterre acōpaigne de mōseigneur le cōnestable & aultres princes & de mōseignr ladmiral qui lestoiet alle q̃rir passa par ung aultre chemin. Et affin que sceussent le partemēt lung de lautre chascun fist sonner a son partemēt lartillerie. Au regard de la reception & festin faitz par la Royne Dāgleterre au Roy nostre sire ie ne vo' en scauroye q̃ rescripre au vray pour ce que ie ny estoye pas. Mais biē ay ouy dire quil y fust receu avec toute la cōpaignie le plus humainemēt quil est possible tāt par lad' Royne Dangleterre Madame Marie duchesse de Suffort & aultres qui luy firent le plus grant hōneur & recueil quil est possible

ymaginer. Il y avoit en une place dedās Guynes deux grādes cuves dorees & au milieu de chascune y avoit une grosse fontaine a plusieurs fleurons q̄ incessamment gectoiēt vin blanc & claret du meilleur que lon avoit sceu trouver & estoit cōmun a boire a qui vouloit & les grosses tasses dargēt pour puiser a boire qui estoit une chose singuliere. Touchāt le Roy Dāgleterre il arriva a Ardre en belle cōpaignie & bon ordre. Et fut receu tres hōnorablement en la maniere qui sensuyt.

Ledit Roy Dāgleterre bien mōte affuble dūg double mâteau de drap dor fait en cappe brode de pierrerie & orfaverie ung seion de drap dor frise aussi borde de pierrerie/ une belle coiffe de fine toille dor/ ung tres beau colier en escharpe fait de pierrerie dōt y en avoit troys bien apparetes & quil faisoit hon veoir. En arrivant au logis de la Royne & la a lētour de lentree en tres bel ordre il rēcontra les dames & damoysselles de la Royne q̄ sont les plus belles que lon scauroit dire lesq̄lles estoiēt toutes vestues de drap dor & les mieulx acoustrees que lon vit pieca. Et prindrēt grāt plaisir les seigneurs Dāgleterre a les veoir. Ledit seigneur alloit tout a son aise pour les veoir a son plaisir leur mōstrant a toutes bon

visage. Madame mere du Roy le receut a l'entree du logis du Roy & le cōduysit au lōg de lallee ou estoïēt les damoyelles & iusques a l'ētree de la salle ou la Rōyne lattendoit / laquelle estoit patee dune robbe de drap dor frise brodee dūg grāt demy pied de pierrerie fine / la cotte de drap dor battu / les mācherōs couvers de dyamās & brodez de fine pierrerie ayant sur la poitrine le beau diamant la poincte de Bretagne / & ses beatilles de lētour du chief moult riches & garnyes de bons dyamans / ruhys & esmeraudes.

Madame la mere du Roy & madame la duchesse estoïēt aussi acoustrees si richemēt & pareillemēt toutes les dames & damoyelles quil seroit impossible le vous exprimer par le menu. Ledit Roy arrive en la salle fist la reverēce a la Royne tres humblemēt laquelle se leva de sa chaire de parement & alla au devāt de luy lequel en soy inclināt le genoil en terre & le bōnet au poīng la baisa & apres baisa Madame / madame la duchesse & pareillemēt les aultres princes & dames de la compaignie. Et de fait sen retourna vers la Royne / laquelle le print par la main le fit seoir pres d'elle & deviserēt ensemble par bonne maniere.

Et depuis disnerent ensemble & furent festiez chacun en la meilleure sorte q̃ lon peult adviser. Et y estoit monseigneur le grāt maistre tenant son baston dor sur son col & les aultres maistres d'hostel tenoient leurs bastons bas contre terre & en ceste maniere servirent & firēt servir les escuyers tous acoustrez de chamarres de drap dor & aultres acoustremens moult riches. Toutes sortes de instrumens sonnans les mects & services si tresmelodieusement quil est possible de faire.

Les princes & grans seigneurs & pareillement monsieur le chancelier estoiēt a lētour de la table ou led' Roy la Royne & Madame disnerent & deviserent tous ensemble de plusieurs choses.

Pareillement audit festin furent festiez & bien traictez tous les princes grans seigneurs & aultres seigñrs dames & damoyselles du pays Dangleterre chacun en son endroit si singulieremēt q̃ to' en estoiēt biē cōtens. Il est impossible vo' escrire p̃ le menu/ les viādes dōt ilz furent servis ne la grāt multitude de tasses potz cuves dressoers plats/ escueilles/ ne aultre vaisselle dōt ilz furent servis & q̃ estoient sur les dresseors en grāde quātite/ ne pareillemēt lacoustrement de

la salle toute tendue de drap dor. Le vous advertis bien q̃ led' Roy Dāgleterre est moult beau prince & hōneste hault & droit/ sa maniere douce & benigne ung peu grasset & une barbe rousse assez grande qui luy advient tresbien.

Les tables levees la Royne & madicte Dame menerēt le Roy en une salle haulte moult richement acoustree & tapissee de drap dor & pavee de velours cramoyssi. Et la ilz deviserēt a leur loysir. Et ce fait print conge de la Royne/ des dames & damoyselles & en montant sur son cheval dōna des esperons & fist ruades & pēnades aussi vaillamment que hōme pourroit faire/ & a son partement sonna lartillerie. Et aussi fist celle de Guynes affin que lesdictz Roys sceussent le partement lung de laultre. Et partirent tous deux en ung mesmes instant & sentreencontrerent en chemin/ & sentrecollerent demandant lung a laultre quelle chiere ilz avoient fait.

Lesditz festins & bācquetz faits par lesdictes Roynes il fut cōclud pour mieulx confermer la bōne amour & aliāce entre eulx q̃ la Royne de Frāce ses dames & damoyselles se trāsporteroiēt a Guynes pour estre festoyees dudit Roy Dāgleterre. Et pareillement la Royne Dāgleterre se

trāsporterait a Ardre avec ses dames & damoyelles pour estre festoyees du Roy nōstre sire ce que fait a este a grant ioye & solennite.

Au regard des ioustes ne des ordonnāces dicelles ie ne vous en scauroye bonnement escripre/ car ne sont encores achevees. Les lices ont este faictes avec cōtrelices a la mode de France/ mais le Roy Dāgleterre a requis lesd' contrelices estre ostees ce qui a este fait.

Lentreprinse fut faicte que les deux Roys tiendroient cōtre tous venans. Et auront pour aydes/ cestassavoir pour le Roy de France monseigneur le cōnestable/ monseigneur dAlencon/ & xviiij. aultres gentilz hommes. Et de la partie du Roy Dāgleterre le duc de Suffort ladmiral & xiiij. aultres gentilz hommes angloys. Et ont este plātez au millieu du camp les deux escus desdictz Roys par les heraulx darmes en grant solennite avec trompette & clérons. Iay veu les deux arcs triumphās/ lesquelz sont bien riches & y a autour des lices belles galleries pour loger les seigneurs dames & damoyelles.

Le iourduy les ioustes ont este ouvertes & commēcees par lesd' deux Roys & leurs tenans. Et ont fait dung coste & daultre de merueilleux

faitz darmes en couraut & rompāt boys sans nōbre. Le dit iour les deux Roynes se sont veues sur lesditz eschaffaulx.

Le camp du Roy estoit hors la ville de Ardre pres une petite rivièrè sur une prairie ou il y avoit plusieurs fontaines. Et audit cāp avoit de troys a quatre cens tentes ou pavillons lesquelz il faisoit bon veoir. Et principalement ceulx du Roy/ de la Royne/ de Madame & des prīces car entre aultres il y avoit ung grant pavillon du Roy q̄ estoit hault cōme la plus haulte tour q̄ lon sache/ & troys aultres moyēs aussi haults que les murailles d'une ville/ & de largeur merveilèuse. Lesquelz estoient couvers de drap dor par dehors & par dedans de drap dor frise/ & le grāt estoit par le hault couvert de drap dor frise & par le bas de velours cramoyssi violet seme de fleurs de lys dor traynāt en terre q̄ est une chose riche grandement. Au plus hault dud' pavillon avoit ung ymage de saint Michel tout dore de fin or leq̄l estoit aussi grant que ung hōme ayāt cōme ung manteau en escharpe sur luy painct de fin azur & seme de fleurs de lys/ tenant a la main dextre ung dart/ & la senestre une targe ou escusson auquel estoient les armes de Frāce

bien reluysans. Et aux aultres troys pavillons y avoit force girouettes aux armes de France. Au regard de vous descripre tous les aultres pavillons ce seroit chose impossible. Et sachez que au cāp des Angloys ny avoit guere moins & estoient en bel ordre. Sachez pour vray que si ie ne cessoye descripre dicy a xv. iours ie ne vous pourroye exprimer la moytie du triomphe grāde richesse & magnificēce que iay veue. Et ne croy pas quil y ait homme vivāt qui en ait iamais veu plus largement pour une foys ne en si bon ordre. Je croy que le menu peuple mais quil le sache sen resiouyra.

Au camp pres Ardre ce lundy xi. de iuing.



8 JA 65



L'OPUSCULE *que nous reproduisons fait partie d'un recueil dans lequel se trouvent trois autres opuscules de la même époque et tous d'une rareté extrême :*

1. La totale & vraie description de to' les passages/ lieux/ & destroitcz : par lesquelz on peut passer & être des Gaules es Ytalies & signäment par ou passerët *Hanibal/ Iulius Cesar*/....
A° 1515. Feuillet. 45 1/2

2. Item plus est cõtenu' le nombre & tiltres des cardinaulx & patriarches, archeveschez & eveschez en luniversel monde.... Item avec la taxe ordinaire : estans au royaume de France. 13 1/2

3. La terrible & merveilleuse bataille qui a este veue nouvellemēt en la duche de Milan.... A° 1517. 2 »

ACHEVÉ D'IMPRIMER

A BORDEAUX, CHEZ J. DELMAS, 139, RUE SAINTE-CATHERINE

LE XXV^e JOUR DE JUIN M.DCCC.LXIV.

8 JA 66

203



